

Сталинъя

УАССР-ысь Як-Бодья но Игра ВКП(б) райном'ёслэн но райисполком'ёслэн органзы

№ 52

1938 ар • 9 июнь

Витетй
арзэ потэ

Избирательёслэсь доверизэс оправдать кароно

Ужасьёслэн, колхозник'ёслэн но служащойёслэн собраниясы РСФСР-лэн но Удмуртской АССР-лэн Верховной Совет'ёсазы депутатэ выдвинуть карем кандидат'ёс понна али большевистской агитация развертываться кариське.

Районы РСФСР-лэн но УАССР-лэн Верховной Совет'ёсазы быр'ён'ёс'я избирательной кампанилэн решающей этапаз пырыз. Избирательной кампанилэн та этапаз довереннойёслэн но агитатор'ёслэн ужзы нимысьтыз ик ответственноз луэ. Агитатор'ёслэн но довереннойёслэн обязанностенызы котьбүд избирательлы депутатэ кандидат'ёслэн ужзы но улонзы сярысь, соослэн социализм понна, советский калык'ёслэн шудзы понна, Ленин'ясыем Сталин'ясыем ужез понна нюр'ясыемзы сярысь умой-умой валэктоп луэ. Кандидат'ёс понна избирательёс пöлын агитация вискарытэк нуоно.

Верано луэ, что асьмелэн районы агитационно-массовой уж кулэз'я пуктэмын өвёл на. Лесопункт'ёсын, колхоз'ёсын, предприятиосын но учреждениосын кружок'ёс кылдытэмын ке но, соос ляб ужало на. Со тужгес ие неорганизованной население пöлын шöдйське. Кылярысь: Я-Бодьянской НСШ-ысь дышетись Беляева З. Н. асьсэ школаысь техничкаоссы пöлын агитационно-массовой уж нуон понна агитаторэн юнматэмын. Со туйнэ нуналос одйг беседа но öз ортчыты на. Бездействовать каре. Техничкаос (4 мурт) конституциосты но избирательной закон'ёсты уг тодо.

М-Ошворцинской избирательной участоклэн доверенноез М о с к в и н бырйиськон'ёслы дасяськонэн номыр но öз лэстыты на. Пöртэм өвёл мукет участок'ёсын но. Ст-Кыквинской избирательной участоклэн доверенноез Журавлев агитатор'ёсын совещание гинэ но öз ортчыты на.

Богородской избирательной участокын кин ке шедем соосты агитаторе юнматэмын. М-Кургалской начальной школаысь дышетись Емельянов 4 бюллетенен голосовать каром шуыса колхозник'ёс пöлын умойтэм агитация нуэ. Нош Кекоранской НСШ-ысь дышетись Пономарев (проф-форг) колхоз'ёсты сводкаос бичаса гинэ ветлэ. Ачиз колхоз'ёсысь агитатор'ёслы нокиче юрттэт уг сеты.

Умой ужась агитатор'ёс сярысь но вераны кулэ. Пастуховской избирательной участоке юнматэм агитатор'ёс **Сунцов** но **Попова** эш'ёс быдэн 5 заятие ортчытыны. Татын ваньмыз сямен избирательёс конституциосты но избирательной закон'ёсты изучать каронон охватить каремын.

Агитационно-массовой ужез умой пуктыны понна предвыборной собраниясы каждой избирательной участоке доверенной мурт'ёс вис'ямын. Нош соос тросэз асьсэлэсь почетной обязанностьсэс, массалэсь доверизэс ужен оправдать уг каро. Сое выль возматэм факт'ёс но умой возматэ.

Быр'ён'ёс дырозь кылем нунал'ёсты использовать кароно озы, что бы одйгез но избиратель медаз кыды быр'ён'ёслэсь техниказэ тодытэк, коммунист'ёслэн но беспартийнойёслэн блокенызы выдвинуть карем депутатэ кандидат'ёслэсь биографизэс но соослэсь ужзэс тодытэк.

Партийной организациослы но доверенной мурт'ёслы кандидат'ёс понна агитациез действенной факт'ёсын возматэса организовать кароно. Коммунист'ёслы но беспартийной большевик'ёслы избирательной участок'ёсын активно ужаса, кылем быр'ён'ёслэсь опытсэс использовать карыса, воно быр'ён'ёсты эшшо но умойгес, эшшо но выль организованностен ортчытоно.

Китайын военной действиос

Северной Китайын

Хенань провинцилэн северо-восточной частяз Кайфын-лэн восток пал районаз китайской войскаосын 14-тй японской дивизия котыртымын. Со дивизиен Доихар командовать каре. 14-тй японской дивизиялы пумит китайской войскаос али активной операциос нуо. Китайской сведениос'я, Доихарлэн дивизиысьтыз туж уно солдат'ёс быремын, калыкез öжыт гинэ

кылемы на. Японец'ёс асьсэос ик, Доихарлэн дивизиезлы бадзым кышкытлык кылдытэмын шуыса верано луо.

Корреспондент ивортэ, что Гуйдэмысь шоссеин сюрес кузя лыктысь японской войскаослэн колонназы Нинлин городзэ бастыиз, (Гуйдэлэн запад палаз). Али соос Суйсянез атаковать карыса, Кайфынлэн юго-восток палаз потыны туртто. 61

Б-Ошворцинской первичной парторганизацилэн одйгетй июне собранияез ортчиз. Отын избирательной кампанилы дасяськонлэн мынэмез сярысь „В-Труд“ колхозлэн председателез Макаров, „Т-Ключ“ колхозлэн председателез Рудин но Б-Ошворца сельсоветлэн председателез Вахрушев эш'ёслэсь отчетсэс кылзэммын.

Отчет'ёсысь туж умой адскиз, что РСФСР-лэн но УАССР-лэн Верховной Совет'ёсазы быр'ён'ёслы дасяськонын к о м м у н и с т'ё с л я б участвовать каро. Сельсоветлэн председателез Вахрушев избирательной закон'ёсты изучать карон'я кöня кружок'ёс ужало, уг тоды.

Макаров но Рудин Вахрушев сямен ик избирательной кампанилы дасяськонэн ичи интересоваться карисько. Таос асьсэ колхозазы агитаци-

онно-массовой уж нуонэн, агитатор'ёслэн уженызы уг кивалто. Сыче ик ужлэн суредз Сталинлэн нимыныз нимам колхозын но Б-Ошворцинской НСШ-ысь первичной комсомольской организациосын. Татын выбор'ёслы дасяськон'я агитационной уж кызы кулэ вырзытымтэ на.

Таке положениез соин но возматэмын луэ, что Б-Ошворцинской сельсоветын агитатор'ёсын нокиче уж уг нуиськы.

Агитколлективен кивалтысь Агеев (райкомоллэн секретарез) январь толэзь дырысь агитатор'ёсын одйгпол но семинар öз орчыты на.

Озы ик верано луэ, Б-Ошворцинской избирательной участокаысь доверенной Загребин В. П. калыклэсь доверизэ быдэстон борды ляб кутске.

Мерзляков.

Культура будэ

Царской Россия дыр'я калыклэн улонэз сьöд, некультурной но туж секыт вал. Уката но национальный калык пöлын котькыче социально-бытовой висён'ёс вöлмылызы. Со дырысен ортчиз ини 20 ар. 20 ар куспын асьме сясыкясыкысь кунамы культура туж вылэ будйз.

Сталинской Конституция вань трудящойёслы дышетскыны бадзымесь правоос сөйтйз.

Сюэн сюрсэн инженер'ёсты, профессор'ёсты, врач'ёсты агроном'ёсты, техник'ёсты воспитать каризы советской ш к о л а о с. Миллионэн ляд'ясыкысь егит калык'ёс средней образование бастыса школаосысь пото.

Колхозник'ёслэн улонзы умой но зажиточной луэ. Колхозник'ёслэн улоназы культура ялан мур пыча, мае соос азьвыл уй вöтазы но öз а д з ы л э. Али колхоз'ёсын клуб'ёс, красной уголок'ёс йыло. Колхозник'ёслэн чылкытэсь коркаосазы сад'ёс, штораос. Соос велосипед'ёс, вуриськон машинаос, к о р т койкаос, карманной час'ёс, мотоциклет'ёс но мукет культурной вуз'ёсты басты. Таны бастом „Нарезка“ колхозысь **Гребнев Илья Михайлович** колхозникез. Со ас трудович сбережениезлы выль мотоцикл бастыиз. Сыче факт'ёс районын трос.

Соин чöш ик асьме районын культура ласянь туж трос тырмымтэ интыос но вань. Районымы 2 сюрс пала неграмотнойёс но малограмотнойёс ляд'яско на. Сыче колхозник'ёс вань на, куд'ёсыз к о р к а з ы парсьёсты, ыжпиосты, кунян'ёсты возё. Кумышка пöсьто, юыса хулиганить каро.

28 июне партилэн Удмуртской Обкомаз культурной строительствоен вопрос'ёс'я республиканской совещание ортче. Та совещание асьме районысь 10 мурт калыклэн культурной улонэз понна нюр'ясыкысьёс мынозы. Совещание азе асьме районысь колхоз'ёсын трос ужрад'ёс орчытоно.

Неграмотнойёсты но малограмотнойёсты дышетонез организовать карыса 26 июнь нунал азе выпуск лэсьтоно.

8 июнэз кырзасьёсты, эктисьёсты, скрипач'ёсты, гуклярь'ёсты, художник'ёсты, вышивать карисьёсты выявить кароно. Общественной организациослэн кивалтысьёсылы, колхоз'ёслэн председателёссылы ужасьёслэсь, колхозник'ёслэсь улон интыоссэс, ульчаосты, площадкаосты, яслиосты, сад'ёсты культура азе асьме районын понна трос уж'ёс лэсьтоно.

Никифоров.

Достойной кандидат

„Красная гора“ колхозысь колхозник'ёслы Як-Бодьянской райисполкомлэн председателез Утемов Иван Михайлович Удмуртской АССР-лэн Верховной Советаз депутатэ умой тодмо кандидат. Утемов эш пичи дырысен ик кутскыса ялан ответственной руководящей постын

дугдылытэк, жадёнэз вала-тэк ужа.

„Красная гора“ колхозысь колхозник'ёс ми, 26 июне ваньмы одйг мурт кадь Ленинлэн — Сталинлэн достойной пиезлы Утемов Иван Михайловичлы голосмес сө-том шуизы — алигес ортчем митингазы. **М. Вахрушева.**

Стахановец'ёслэн амалэ-нызы ужалэ!

Як-Бодьинской районьсь „Красная гора“ колхозысь колхозник'ёс но колхозница-ос сюрес лэсьтонын кужмо ужало.

Колхозник'ёс пöлын стахановской движение но социалистической соревнование паськыт вöлмытэмын. Загребин Кузьма Федорович, Загребин Кузьма Артемьевич но Загребин Егор Петрович канава копанын нормазэс 15 погонной кубометр интые 24-27 погонной кубометрозь быдэс'яло.

„Красная гора“ колхоз та нунал'ёсы сюрес лэсьтыны тупатэм планзэ быдэстоз.

М. В. Вахрушева.

Як-Бодьинской районьн сюрес лэсьтонлэн мынэмез сярсыь сводка

(5-тй июньлы, процентэн)

	СЕЛЬСОВЕТ'ЁС	Прог.
1	Богородской	41,6
2	Ишемской	38,8
3	Я-Бодьинской	32,7
4	Кывинской	30,2
5	Шорнинской	29
6	Б-Ошворцинской	25,1
7	Кежоранской	23,3
8	Кутоншурской	17,2
9	М-Итчинской	16,1
10	Иж-Забегаловской	15,1
	ВАНЬМЫЗ	27,2

Бере кыленэз быдтоно

Як-Бодьинской районьсь М-Итчинской но Шорнинской сельсовет'ёс сюрес лэсьтоньн чидантэм бере кылё. Тун-нэ нуналозь та сельсовет'ёс сюрес лэсьтыны тупатэм планзэс быдэн 5 процентлы сяна öз быдэстэ на. Нош Б-Ошворцинской сельсоветысь Сталинлэн нимыныз нимама колхоз (председателез Вахрушев) сюрес лэсьтон борды та дырозь öз кутскыла на.

Тырмытэосын артэ умоесь пример'ёс но вань. Богородской сельсоветысь колхоз'ёс сюрес лэсьтонын мылыськыдысь ужало. „Ремесленник“ колхозысь Измествева Анна но Загребина Анастасия нунал'ем нормазэс мултэсэн быдэс'яло.

А. Перевощников.

15 мае Мосновской Велозаводысь рабочийёслэн, инженерно-технической ужасьёслэн но слушающейёслэни трос налын'ем предвыборной собранизы ортчиз. Собрание РСФСР-лэн Верховной Советаз депутатэ наидидатэн СССР-лэн Совриаомезлэсь председателзэ Вячеслав Михайлович Молотовез выдвинуть нарнз.



СУРЕД ВЪЛЫН: В. М. Молотовлэсь кандидатуразэ выдвинуть карысь, инструментальной цехысь токарь стахановка А. И. Цветкова эшлэн выступлениез.

„Гырон быдтон“ праздникез азинскем'ёсын пумиталом

Ишемской сельсоветысь „Активист“ колхоз народной „Гырон быдтон“ праздникез производстоын стахановской амалэн ужанэз но социалистической соревнованиез паськыт вöлмытыса, РСФСР-лэн но Удмуртской АССР-лэн Верховной Совет'ёсазы быр'ён'ёслы у м о й дасяськыса пумита.

Колхоз вакчи дыр куспын пар гырон улэ 1500 воз кыед поттыз. Нош 12 июнэз эшшо 1500 воз поттэмын луоз на. Та матысь нунал'ёсы пар гыронэз, усыяныз но юос пöлысь жаг турыныз урыса быдтом. Таин чöш ик турнанлы но ю октон-калтон азелы кужмо дасяськом.

Ми хозяйственной уж'ёсыз политической вопрос'ёсын герзаса нуиськом. Колхоз-

ысьтымы котькуд избиратель Конституциосты, РСФСР-лэн но Удмуртской АССР-лэн Верховной Совет'ёсазы быр'ён'ёс сярсыь Положениосты изучать каронэн охватить каремын. Вань неграмотнойёс но малограмотнойёс ликпунктын дышетско.

Колхозник'ёслэн но Пислелудской НСШ-ысь дышетскисьёслэн кужыменызы праздник азелы постановка дасяське. Колхозник'ёс азбар'ёссэс но ульчаоссэс чылкыт чужыса дасялозы.

„Гырон быдтон“ праздник нуналэ стахановец'ёсты премировать карон по н на колхозлэн правлениез коньдон вис'яз.

И. К. Загребин.

Селькор сигнал'ёс'я

„Сталин'я“ газетлэн редакциез М-Бодья колхозын 1937 арын ревизия формально ортчытэмын шуыса одиг селькорлэсь гожтэт басытыз.

Материал эскерон вылысь райзое ыстэмын вал.

Райзо ивортэ, что факт'ёс земазы но ревизионной комиссиялэсь ужзэ умой-умой эскерон вылысь прокуратурае сётэмын.

* * *

Иж-Забегаловской сельсоветысь Ленинлэн нимыныз нимама колхозын парсь вордон фермаын уж урод пуктэмын шуыса гожтэт вуиз.

Та материалэз эскерыны но ужрад'ёс кутон вылысь райзое ыстэмын вал.

Райзо ивортэ, факт'ёс ваньмыз земазы но жоген тырмытэосты палэнтон вылысь ужрад'ёс кутэмын шуыса.

Отв. редактор

А. Г. Веретенников

Поттись райисполком.

Якшур-Бодьинской педагогической училище дышетскисьёсты кутон ялэ

Педагогической училище кутыско сьиче мурт'ёс, куд'ёсызлэн образованизы неполной средней школаез быдтэмын, яке средней школаез 7 классэ быдтэмын Арлыдызя 15-ысен 35 аресозь мурт'ёс кутыско.

Педагогической училище пырысьёс асьсэос яке почтаен училищелэн директорезлы заявление ысто. Заявление борды таёе документ'ёс кулэ:

1. Вордскем сярсыь свидетельство.
2. Образование сярсыь свидетельство.
3. Кык фотографической карточка, соос вылын асьсэлэн подписьсы мед луоз.
4. Тазалык сярсыь врачлэн справкаез.

Заявениосты кутон 10 июньысен 15 августозь мыноз.

Документ'ёс ваньмыз ик подлинникен луыны кулэ.

Училище пырысьёслы испытаниеос 16 августысен 28 августозь луозы.

ПРИМЕЧАНИЕ: неполной средней школаез окончить яке средней школаез 7 классэ окончить карем но основной предмет'ёс'я „отлично“ дышетскем мурт'ёс, мукет предмет'ёс'я (рисование, черчение, пение, музыка, физкультура) отметказы хорошолэсь ултй öвл ке, приемной испытанитек кутыско.

Педагогической училищелэн первой классаз пырысьёслы НСШ-лэн программаез'я таёе предмет'ёсын испытаниеос луо: Зуч кыл (устно но письменно), арифметика (устно но письменно), алгебра (письменно), геометрия, география (устно). СССР-лэн Конституциез.

Педагогической училищелэн 2-тй яке 3-тй классаз пырысьёслы педагогической училищелэн ортчем классэз понна вань предмет'ёс'я испытаниеос луозы.

Нуждаться карыськысь дышетскисьёслы общежитие но стипендия луоз.

Адресез: с. Як-Бодья УАССР педучилище.

Зэмен лыд'яно öвөл

Холмогоров Артемий Ивановичлы Як-Бодьинской военной отделэн сётэм ыштэм военной билетсэ.

* * *

Щуклин Петр Ивановичлы Чуровской лесопунктын ужамез сярсыь сётэм ыштэм справкаез.

* * *

Исрафилов Исмаиллы Красноборской районной военной отделэн сётэм военной билетсэ, 236 607 номеро профсоюзной билетсэ но Исрафилова Сабира кышноезлэсь 236 622 номеро профсоюзной билетсэ зэмен лыд'яно öвөл.

СКАЛ ЫШЕМЫН

Личи-Бодья колхозысь **НИКОЛАЕВ Петр Иванович-лэн гордэн тöдыек нучо скалэз ышемын. Көт улыз но кымысыз тöды. Скал шедем сярсыь колхозлэн правлениез ивортэ.**